

"ARUBAANSE COURANT"  
diariamente cu excepcion di  
diadomingo.  
subscription f. 3.25 pa luna.  
edicion los 20 ct.  
edita pa:  
N.V. Arubaanse Drukkerij en  
Uitgeverij en Publiciteit N.V.  
Nassaustraat 85 O'Stad Aruba N.A.  
imprimi na:  
Theaterstraat 11, Willemstad Curacao  
N.V. Drukkerij "De Stad"  
Telefoona 1116 Directiva y redaccion.  
2116 Anuncio y subscription.  
Directeur hoofdredacteur: D. Wolff.

# ARUBAANSE COURANT



Diario pa



Aruba



optica moderna

SPRITZER + FUHRMANN

DIALUNA 29 DI APRIL 1963

No. 4626

## Refugiadonan Politica secuestra foi embajada Dominicana na Haiti

### Proclamacion di Gezaghbeber Henriquez na poblacion

ORANJESTAD, 29 april. — Dia-  
bierna Gezaghbeber O.S. Henriquez,  
ende entrante dia 24 di April ultimo  
a keda instala como sucesor di sen-  
yor F.J.C. Beaulieu, a dirigi su mes  
cu un proclamacion na e poblacion  
di Aruba. Den e proclamacion aki  
Gezaghebber a duna su desea pa sirbi  
e interesnan di e pueblo di Aruba  
mas mihor cu ta posibel.  
E teksto literalmente di e procla-  
macion ta lo siguiente:  
"Mi ta considera un gran honor  
pa mi, cu S.M. Reina Juliana di  
Hulanda a hanja hon di nombra mi  
Gezaghebber di Aruba.  
Segun Reglamento Insular di An-  
tityan Neerlandes — Eilandenre-  
geling — Gezaghbeber tin un cargo  
cu ta consisti di tres parti:  
E ta organo insular, organo Cen-  
tral y organo di Reino.  
Como organo ejecutivo di Terito-  
rio Insular, ademas di ta president  
di conseho ejecutivo y conseho le-  
gislativo, e ta tambe un gobernante  
cu un tarea di su mes.  
Si ta asina cu den Eilandsraad  
(Conseho Legislativo) e tin solu-  
mente un voto consultivo, di Be-  
stuurcollege en cambio e ta un  
miembro completo cu derecho di  
voto y como tal e ta participa tam-  
be den e responsabilidad colectivo di  
Bestuurcollege pa un Eilandsraad.  
Como organo di Gobierno di Teri-  
torio Insular, GEZAGHEBBER  
TIN UN TAREA INDEPENDIEN-  
TE DI SU MES DEN E ESFERA  
AUTONOMO INSULAR Y RE-  
GLAMENTACIONNAN HURIDI-  
CO ta dune como tal diferente po-  
der y autorizacion, cu e por ehece  
riba su mes responsabilidad.  
Gezaghebber, como organo Cen-  
tral, tambe ta asisti Gobernador den  
e tarea di esaki como Cabez di Go-  
bierno di Antityan Hulandes.  
Como tal e ta tene contacto direc-  
to cu Ministronan.  
Y finalmente Gezaghbeber ta co-  
opera cu Gobernador di Antityas den  
eheccion di poderan di esaki como  
organu di Reino, esta representante  
di la Reina.  
Si di un banda e combinacion di  
funcionariennan aki ta existi logica-  
mente un gran dosis di energia, co-  
nocimiento y tacto, otro un banda ta  
exactamente e combinacion aki ta o-  
frece amplio posibilidat. Posibili-  
dades pa promove interesnan di nos

Teritorio Insular no solamente den  
esfera netamente insular, sino tambe  
pajo di dje, serca Gobierno Central  
y serca instancianan di Reino.  
Principalmente den e ultimo auja-  
nan esaki a resulta di gran ventaha  
pa un isla manera Aruba cu ta traha  
activamente pa su porvenir.  
Den despenjo di terea como  
Gezaghebber, tin un otro hecho re-  
sultante cu ta mara intimamente cu  
e obhjetividad y e imparcialidad di  
e trabao di un Gezaghbeber.  
Y esey ta cu un Gezaghbeber ta  
eherce mando riba henter e isla,  
henter e poblacion, y mester cuantit  
un cierto decision, por ser conside-  
ra impopular door di un cierto sec-  
tor di comunidad, sinembargo mester  
tene cuenta cu e hecho cu de-  
cisionnan tuma pa un Gezaghbeber  
y su actitud y modo di procede mester  
ta basa riba bienestar general di  
henter poblacion.  
Un palabra sincero di gratitud y  
aprecio, y cu esaki mi ta sigur cu  
un ta interpreta sintimentonan di  
tur ciudadano di Aruba — lo mi  
kier a expresa pa cu mi predecessor,  
Sr. F.J.C. Beaulieu, kende for di an-  
ja 1959 den un manera asina diguo  
a dedica su mihor esfuersunan na  
comunidad Arubano.  
Gran admiracion mi tin tambe pa  
Diputado Sr. I.S. de Cuba, kende  
huntu cu su trabao di Diputado di  
diferente departamentu pisa, na mes  
un tempu a ehece e trabao di Ge-  
zaghebber pa un periodo hasta lar-  
gu na un manera asina capaz.  
Un circunstancia benefico ta  
pa mi cu den mi eheccion di mi  
trabao como Gezaghbeber di Aru-  
ba, mi por saca provecho for di e  
hecho, cu e tereno di mi trabao no  
ta desconoci pa mi, ya cu, aunque  
den otro puesto, mi a sirbi caba in-  
teressan di nos isla anteriormente.  
Cu yudanza di Todopoderoso, cu  
cooperacion di henter e poblacion,  
di Bestuurcollege, di Mienbronan  
di Eilandsraad, di Gobierno Central  
y di e instancianan concerniente di  
Reino, — importancia di cual espe-  
cialmente ultimo tempu a resulta a-  
siña evidente — mi ta spera di rea-  
liza e palabranan cu mi a pronun-  
cia den mi luvramentu dilanti di Go-  
bernador di Antityan Hulandes, es-  
ta cu: "Segun mi alcance lo mi tra-  
ha especialmente pa bienestar di  
Aruba".  
Aruba, 26 april 1963.

### Conferencia di emergencia

WASHINGTON, 29 april.  
— Segun a worde informa  
e organizacion di estadonan  
Mericano a reuni ayera no-  
chi riba peticion di Republi-  
ca Dominicana pa un confe-  
rencia di emergencia. E ra-  
son di e reunion ta cu tru-  
panan di Haiti a penetra  
den e embahada Dominica-  
na na Port au Prince y a se-  
cuestra algun persona pro-  
batamente refugiadonan  
politico.  
Republica Dominicana lo hael un  
protesta fuerte cerca gobierno di Haiti,  
segun un vocero dje ministerio Domi-

nicano di exterior y ta pone Haiti res-  
ponsabel pa seguridad di e refugiado-  
nan Haitiano, cu tabata den e emba-  
hada. E representante Dominicanu cer-  
ca organizacion di Estadonan Mericano  
Dr. Culventi, a participa periodicamente,  
cu su gobierno a duna Haiti 24 ora pa  
restablece e situacion normal. E termino  
aki lo cuba awe mañan.

President Juan Bosch dje Republi-  
ca Dominicana a tene un discurso  
importante ayera nochi, asina nan  
bisa den un transmision di Radio Santo  
Domingo, cu nan a ricibi na Key  
West. Tantu television como radio  
lo transmiti e discurso aki cu nan lo  
sigui despues.

### Crisis na Haiti

Civilnan Mericano na Port au  
Prince a hanja di na nembhada e  
conseho pa cumpra comestible y ke-  
da for di cen ro dje ciudad. E aviso aki  
ta sigui despues dje incidente cu a  
tuma luga diabierna, ora cu algun  
miembro arma a tira e chauffeur y dos  
miembro dje guardia di president Du-  
valier mata. Cu tabata como una e  
dos yunan die hefe di estado. Mien-  
bronan di milicia di Duvalier a mata  
como regresia sei persona.  
Na Haiti tin actualmente un cri-  
sis, ora cu president a liza su, cu a-  
pesar dje hecho cu su termino di  
puesto ta termina dia 15 di mei. E  
oposicion cu ta traha den secreto, a  
avisa, cu nan ta haciendo intencion  
pa baha Duvalier riba e fecha men-  
cionada. Dr. Duvalier tin 54 aña, y a



Diahuebs mainta tabatin un interes enorme na e re-  
cepcion di e casamento di senjorita Zus Henriquez, ruman  
muher di Gezaghbeber kende a drenta enlace matrimonial  
cu e dokter di mucha na Miami senyor A.Q. Pollock. Aki  
nos ta mira e pareha kendenan ta purbando di e bolo di  
casamento despues cu hunto nan a corte. Na e recepcion  
cu a worde teni na cas di mama di e bruid tabata presente  
e.o. ministronan E.O. Petronia y W.F.M. Lampe, tambe  
Gezaghebber Henriquez, mama di e bruid, famianan, ami-  
gonan, conocrinan y ex-colleganan di senjorita Z. Hen-  
riquez.

worde eligi na october 1957 pa un  
termino di seis aña como president  
di Haiti.

Na april 1961 nan a participa cu  
nan a bolbe eligiele pa un periodo  
nobo. Na september dje anja aki su  
gobierno a participa cu nan a descu-  
bri un complot pa mata e hefe di  
estado.

### PRINCIPE BERNHARD PA CANADA

DEN HAAG, 29 april. — Otro si-  
man Principe Bernhard lo bishita Ca-

nada durante dos dia pa ta presente  
na conmemoracion di Canadenscan  
cu a sal den guerra durante lucha di  
liberacion di Europa. Principa na e  
Hulanda.

Dia 4 di mei e Principe lo bishita  
Vancouver. E dia siguiente e lo bishita  
Kranz na monumento na Plaza Vic-  
toria na Vancouver, Canada e lo sal-  
li despues pa Los Angeles.

### CASTRO NA MOERMANSK

MOSCU, 29 april. — Prema mi-  
nistre di Cuba ta di caminda pa Mos-  
cu. Manera anuncia Castro a blega  
Moersman k awe. Prema minister

Maytag

De ideale gegarandeerde  
AUTOMATISCHE  
wasmachine  
◆ Speciale bescherming tegen  
roest en schadelijke waterin-  
vloeden.  
◆ Watertemperatuur controle.

Palais Royal Aruba N.V.


FATUM — Tel.: 1845  
pa tur bo aseguronan

Chroesjet a lantelo hon bini por me-  
dio di telefon for Moscu. Castro lo  
blega Moscu majan. Y lo tene na Pla-  
za Roja un reunion masal.

### KENNEDY POSIBLEMENTE PA LEGANO ORIENTE

WASHINGTON, 29 april. — Presi-  
dent Kennedy tin idea di bishita na eu-  
minzamento di invierno un cantidad di  
paisnan di Legano Oriente y Hapon. Na  
luni e lo bishita, manera anuncia, Ita-  
lia, Alemania West y Republica Ir-  
landes.

## ODUBER & KAN INC.



Pa un BRIL di mas moderno  
y e mejor servicio!



# GANA PLACA!

BO AMIGO, FAMILIA OF BECINJA MESTER DI UN AUTO NOBO OF SEGUNDA MANO?

ESAKI TA BO

## GRAN OPORTURNIDAD

SER UN SALESMAN DI VIANA! TRECE BO CLIENTE SERCA NOS Y LO BO RICI-  
CIBI SIGUIENTE COMISION, SI BO BENDE UN AUTO:

NOS TA PAGA BO	
ARIBA CADA AUTO SEGUNDA MANO TE CU FL. 1.500,—	fl. 50,00
ARIBA CADA AUTO SEGUNDA MANO MAS CU FL. 1.500,—	fl. 100,00
ARIBA CADA AUTO EUROPEO NOBO	fl. 100,00
ARIBA CADA AUTO AMERICANO NOBO	fl. 150,00

- TIN UN BONUS EXTRA DI FL. 100,— PA E PERSONA CU BENDE 4 AUTO.
- E OFERTA ESPECIAL AKI TA VALIDO DI 2 DI MEI TE DIA 31 DI MEI 1963.
- MUCHA OF HENDE GRANDI, MUHER OF HOMBER, TUR POR SER UN SALESMAN Y GANA

PLACA - PLACA - PLACA.... PA MAS, INFORMACION, JAMA OF PASA NA:

## VIANA AUTO SUPPLY CO. INC.

TEL. — 5120/5121



**BO TA ZORG P'E AAS...**

**...y nos lo percura**

**PA E RESTO**

**of cu otro palabra:**

**DUNA NOS BO VOTO**

**y nos lo zorg pa**


**UN ARUBA PROGRESIVO!**

**PESEY VOTA PA**

**U. N. A.**

**LISTA 3 [CORRA] No. 6**

**A. F. DUSSENBROEK.**







## BISHITA E MODELHOUSE DI MARIO S. ARENDS N.V.

situa den CONSTANT HUYGENSTR. - skina BYRONSTR. (Monplaisir) Oranjestad.

HABRI TUR DIA DI 6'or p.m. po 9'or p.m., cu excepcion di diasobra y diadomingo.

Entrada GRATIS - mucha no ta worde admiti.

\* CONVENCE BO MES DI E CALIDAD SUPERIOR DI MATERIALNAN DI CONSTRUCCION. DI NAN POSIBILIDADNAN PA DUNA BO CAS E TOQUE ESPECIAL CU NAN COMBINACIONNAN Y NAN VENTAJANAN, entre otro e plafond di camber grandi pa REBUDO ENTERPRISE, tur obtenible na firma Mario S. Arends N.V. — Muebles ta di Neue Import Export Co. - servies, plata di mesa y glas di Leo Berlinski. — mosalcos local di fabrica di mosalcos Santa Helena, y reservoir electrico pa awa cujeite di ELMAR. Pa interesacionan: e MODELHOUSE TA NA VENTA.

## MARLBORO A TRIUNFA RIBA ESSO 8—5

(Di nos Redactor Deportivo)

Cu un rally di seis carrera den cuarte y cuarto inning. Marlboro a sigura diarazon anochi den Wilhelmstadion su triunfo riba e novena di Esso Servicecenter den semi-final di e torneo eliminatorio pa Copa Juliana.

E promer tres inningnan di e partido a pasa sin carrera, pero habiendo e cuarto inning Esso a tumá ventaja di dos carrera. Den cuarte y cuarto inning Marlboro a cruza home un total di seis biah, loke a cambia aspecto di e wegá mesora.

Inning number cinco a trece un carrera pa cada uno y den sexto Esso a apotá dos mas pa yega na un total di 5.

Cerrando e octavo episodio e cigarillonan di Marlboro a anota uno mas, loke a pone e score final na 8 pa 5.

Marlboro a conecta 10 hit y comete tres error. Esso a conecta 7 hit y comete tres error tambe. Pitcher ganador tabata Clarence Jack, kende den e septimo inning, a entrega e wegá na Wilson.

Pitcher perdedor tabata R. Marlin. Esaki a worde releva den e cuarto inning door di Geo Guerrero, kende den e quinto a worde cambia pa Roly Wout.

Den Wilhelmstadion ta worde hunga awe nochí e final di e torneo, cual lo ta entre Heineken's y Marlboro. Ganando di Winston Heineken's a obtene e derecho pa bai final, mientras cu Marlboro a triunfa riba Esso pa yega na e prueba final.



Un desgracia t'ey mes....

BO ASEGURO DI AUTO

TA VALIDO AINDA!

No perde tempo, prome cu ta laat

hishita

N. E. N.

Pa informacion: 1176 - 1337

Nassaustraat 94-B

## DESGRACIA DI MINA NA MERCA

CLARKSBURG, 29 april. — Nan a hanja 21 cadaver di e desgracia di mina na Clarksburg. Nan a perde un minero y no tin speranza cu nan lo hanja jele bibu.

## NOORD BORNEO Y INDONESIA

KOETSJING, 29 april. — Autoridad na di Serawak a Noord Borneo a instalá un prohibicion nocturno di salida den e territorio banda di e frontera cu Indonesia. Esaki a tumá luga despues cu hombernan no identifica a comete dos biaha un asalto riba un puesto di polis na Tebedoe cerca di frontera.

## Promer disenjo estatua di Henny Eman ta cla



Aki riba nos ta mira e disenjo cu senior Padu Lampe a traha di e estatua di Henny Eman, cual segun e plannan di A.V.P., lo bin den e centro di un rotonde na Oranjestad.

ORANJESTAD, 29 april. — E promer disenjo den materia di e estatua di e difunto politico Arubano Henny Eman, a bin cla segun e declaracion di e escultor di Den Haag A. de Kruif. E lo manda e maquette aki pa e directiva di e Institucion Henny Eman, cu lo tin di duna su acuerdo prome cu e escultor lo por sigui cu e proximo etapa di e trabao. Entretanto senior J.C. (Padu) Lampe a traha un pintura di e estatua segun e gusto di e directiva di e institucion manera mas o menos lo e mester ta. Ta worde spera cu senior De Kruif lo traha e estatua den e mes un sentido.

Algo hesteramente nobo den e tratamiento di e estatua aki ta segun e ultimo plannan, cu e escultor lo bin traha e estatua aki na Aruba mes. Manera cu ta conoci e estatua aki lo tin un altura di mas o menos diez pia y construi completamente e di piedra Arubano, diorita. A resulta cu ta mucho mas barata pa laga e escultor bja Aruba pa esego e piedra y traha e estatua aki mes na lugar di transporta e enorme pila piedra pa Hulanda, traha e estatua ayanan y despues transporte pa Aruba atrobe.

Y e construcion na Aruba ta elimina e chens cu e estatua por hanja algun dano durante transportacion, mientras si mala suerte acompaña e escultor durante su trabao, akian inmediatamente e ta hanja otro piedra, mientras cu si esaki pasa na Hulanda, e ora mester holbe mandele un otro enorme pila piedra. E directiva di e Institucion di Henny Eman, cu a worde forma dia 2 di april 1958, na e momento ta consisti di presidente Max Croes, vice-presidente Johan (Twa) Croes, secretario Adolff G. Leo, segundo secretario Jose Flanegin y tesorero Hilario van der Biest. E plan ta pa e estatua worde poni den e centro di un rotonde. Ta worde pensa pa pone na e rotonde, cu ta mita finaliza, na e cumintamento di e boulevard pa Malmok, cerca di e oficina di DOW. Ta senior Leo kende algun lunanan pasa duran di un estadia cortico na Hulanda, a topa cu e escultor, kende actualmente ta construyendo e estatua di difunto Henny Eman.

## AGENDA

### CINE

Dialuna 29 april 1963  
DE VEER 8:30'or: "Lover come back" B.J.  
BIJLUTO 8:30'or:

## Cumpleanjos

Dia 29 april ta cumpli anja e benedicta Emely Juliana Tromp. Hopi felicitacion ta bini di par di su cu ta Toni, mama Emilliana, rumannan Edwin, Rudy, Filomena, welo y welanan, tata y omonan, su padrina y madrina y demas famianan.

Ajera dia 28 di april a celebra su fecha natal senior Prudencia Koek. E ta ricibi hopi felicitacion di su esposo Mario, yiu Maximo, tata Andresio, mama Margarita, cuater rumannan Aura, Dominico, Christiano y Antonio, tambe di su suagranan, suhrianan, ihanan, primo y primanan, omonan, compenian y comenian y demas familia Rikkerstaal, Leest, Koek, Tromp, Vinas y van der Biest na Corsow y tambe di su amiganan.

Dia 29 di april ta celebra un anja mas di feliz existencia e chikini Josio Tromp. Hopi felicitacion ta bini di su mama Rika, tata Jose, rumannan Elvira, Edie, Marieta, Ann y Glenda Leo. Tambe di su pepe Jea Koek, su omo Antonio Briten di su primo y primanan, welo y welanan y especialmente di su amigo Janay, Danico y di familia Tromp, Jacobs y Koelman.

## DOCUMENTONAN A BIAHA

(Di nos correspondent)

WILLEMSTAD, 27 april. — Un maleta chiquito brui, cu documentonan anasha importante di e Antillanese Werkgroep di e Industriële Adviesraad a haci un biah completamente ariba su mes for di Aruba pa Puerto Rico, pero awor e ta cerca su donjo, senior Morris Serphos atrobe, miembro di e werkgroep na Aruba. Algun dia pasa senior Serphos a tende di e biah stranjo di su maleta.

Siman pasa durante e reunionnan plenario di e werkgroep, Sr. Serphos a entrega su maleta chiquito cu ta marea cu e inicialnan M.S. Jr. na e recepcionista na Aruba Caribbean Hotel. Algun momento despues ora cu el a bin husca su maleta atrobe a resulta cu un otro persona a hai cu e maleta. E problema no por a worde resolve directamente di manera cu recheche a worde awisa. Via radio e pueblo a worde informa di e disparcamento di e maleta y eplan cu lo a hanja e maleta por a conta cu un recompensa. Pero sin ningun resultado, e maleta a desaparece. Kiko a pasa?

Na Aruba tabata keda den e mes un dianan ey e negociante Moreira

Sallas representante di International Harvester. Na su baidá el a desisti na aeropuerto, cu el a laga su maleta na e recepcionista di Aruba Caribbean Hotel. Rapidamente e hueste na Aruba di e negociante a corre hai pa e hotel, tumá un maleta cu e inicialnan di e negociante y a holbe rapidamente pa aeropuerto. Entre tanto ya e negociante a sali pa Puerto Rico y e maleta a worde manda den un aeroplano cu tabata sail pa Puerto Rico despues. Aya senior Moreira Sallas a ripara cu nan a marea e maleta rohe y inmediatamente el a mande back pa Aruba. Manera a resulta despues esaki tabata e maleta di senior Serphos. Awor tur hende ta trankil atrobe cada un a hanja loke ta di nan.

## ELECCIONNAN PRESIDENCIAL DI ARGENTINA

BUENOS AIRES, 29 april. — Ex-presidente di Argentina, general Pedro Aramburu, a worde eligi awe na candidato pa eleccion presidencial cu lo tumá luga dia she di juli.

A eligie e convencion nacional di e Union del pueblo Argentino, cu nan a forma na februari pa progreso su candidatura. Nan ta spera cu lo tin por lo menos 12 candidato.

## Un les so no tabata basta

HOLLANDSE BANKETBAKKERIJ

Oranjestad tel. 2798 — San Nicolas tel. 5478

E mehor adres po Bolo y tur close di poso-boco  
Diariamente fresco.

Un rato nos ta keda waak otro, ora cu e mucha muher ta jega.

"Hallo", e ta bisa y ta sonrei.

Yvette Malhus tabata delega pero cu un figura di kita sombre. E tabatin un sweater histi y un carson largo. Su bishita tabata pretu manera carbon, mesos cu di Nena mi esposa cu un parti mei mei. E por tabatin cuikier edad entre 16 y 25 aña. Su wowonan tabata gris, un nanishi skerpi cu su boca corra di lipstick. Muchanan manera esaki ho por hanja continuamente e dilanti huez provocante, rebeldie, decidido, sexual, sin ningun intencion particular, un di e muchanan perdi y mueria.

"Seniorita Malhus?"

E ta hari y ta suhi trapí dje casita cu un dignidad apart.

"Abo mester ta e Prins di paraiso — con ta cu e frutanan den paraiso?"

"Oh, drenta paden Yvet'e". Rina ta jamele impaciente. Spaar ho chis-tenan pa ho amigonan idiota mesos cu ho."

E mucha muher ta traha un cara y kinipi wowo cu mi. E ta drenta paden, pero ta lora manera un experta den su caminamento.

Mi ta ceca e porta y ta pensa ariba e tape-cerera. E tape ta dura cuarenta minuit, pues mi tin di actua liber si mi kier hanja e conversacion completo.

"Hallo, Rina dushi", Yvette ta bisa y ta eui sinta dene e soel cu ami tabata ocupa prome. Bon ta hanja cu e tipo aki ta un encanto?"

"Ach, stop cu e cosnan ey!" Rina ta gritele. "Keda keto y seucha loke senior Bosco kier bisa ho."

Atrobe e mucha muher ta waak mi y ta kinipi wowo. E ta hala su pianan riba stoel y ta pone su mannan ariba su heup y di repente ta muestra se-

rio y yen di interes.

"Oke, su mahestad, papia cu mi".

Mi ta mire den su wowonan gris, su comportacion no ta ganjamí ningun momento. E wowonan ta reda algo — algo cu e no por seonde pa mi. Tabata e wowonan desafortunada y alavez habuca di un mucha, cu no ta sigur di su mes, sabiendo cu e ta bai mal caminda, pero cu ta muchu swak pa haci algu contra esaki.

"Uu cos mi kier sa di ho mes. Bo ta di acuerdo pa e plan di kidnap aki?"

E mucha muher ta waak Rina y despues ta waak ami.

"Si mi ta di acuerdo?" E ta cumintando hari atrobe. "Esta gracioso no? Naturalmente mi ta di acuerdo. Ami cu mi estimada Rina ta pensa e plan aki no ta 'sina'?"

"Si? Pero ho tata lo pensa mesos di e plan aki, mi ta bisa tratando di kita su arrogancia."

"Esey no ta ho asunto, si ho ta satisfecho awor, nos por continua cu e asunto aki."

"Okay, ki dia e kidnap mester tumá luga?"

"Mas pronto posibel — podiser otro majan mes", Rina ta bisa.

"Seniorita Malhus ta desaparece — pa unda?"

"Jamami Yvette", e mucha muher ta bisa, "asina tur mi amigonan ta jamami..."

De'adadamente nos a coahersa un biah mas tocante e plan pa hiel Yvette desaparece cu ami lo jama senior Felipe Malhus, y bisele na telefon, cu si e no manda e placa di rescate, cu nunca mas e lo mira su yiu. Nos lo avisele pa no avisa polis, sino cu placa di sin placa su yiu lo muri soketamente. Mientras tantu e tape-cerda ta graba tur cos.

"Awe ta diamars, nos por ta cla pa

"hold back thought" B.J.  
PRINCIPAL: For "Spartacus" B.J.  
AURORA: For "Orlok" B.J.  
SAVANETA: For "The outgriver" B.J.

## BOTICAN DI WARDA

Oranjestad: BOTICA OUBREI tel. 1700  
San Nicolas: BOTICA SAN LUCAS tel. 5119

## DOKTERNAN DI WARDA

Oranjestad-Noord: Dr. C. v. d. Byl  
San Nic: Dr. Cruz-Sava: Dr. J. C. H. Janssen

## WIT-GELE KRUIS

San Nicolas: Zr. Perpetua  
Oranjestad: Zr. Ewald  
Santa Cruz: Zr. J. J. Janssen  
Hospital San Pedro di Verona tel. 2200

## POSTSLUITINGEN

Dialuna

Angilla 14.00, Antigua 8.00, Argentina 14.00, Bolivia 14.00, Bonaire 8.00, Brazil 14.00, Br. Guiana 15.30, Canada 8.00, Cayman 15.30, Chile 14.00, COLOMBIA Barranquilla 15.30, Bogota 15.30, Costa Rica 15.30, Cuba 10.00, Curacao 8.00, Ecuador 14.00, El Salvador 15.30, EUROPA (Azie-Afrika) 8.00, Fr. Guiana 15.30, Guatemala 15.30, Haiti 15.30, Honduras 15.30, Br. Honduras 15.30, Jamaica 10.00, Martinique 15.30, Mexico 15.30, Montserrat 15.30, U.S.A. Miami 15.30, (Azie-Afrika-Australia)

## RADIO KELKBOOM

Dialuna 29 april 1963

7.00 Opening  
7.02 Bon dia cu alegria  
7.30 Musica Malatino  
8.00 Selection Musical cu discunan Lat. Am.  
8.30 Cumpleanjos Feliz  
9.00 Musica Varia  
9.30 Melodias Instrumental  
10.00 Ritmos Latinos  
10.30 Programan di N. Habibe Jr.  
11.00 Musica Norte Americana  
11.15 Musica Antillana  
11.30 Musica Varia  
12.05 Noticia Local  
12.20 Musica Europeo  
12.30 Nieuws in het Nederlands  
12.45 Musica Norte Americana  
12.55 News in Nutshtel  
1.05 Musica Varia  
01.30 Mei ora cu Boleros  
02.00 Hit International (Repetition)  
02.30 Peliculas  
03.00 Twist  
03.15 Melodias  
03.30 Calypso  
03.45 Cocktail Musical  
05.00 Dances Cubanas  
05.15 Musica Varia  
05.30 Alle Hens  
06.00 Noticia deportivo (Gillette)  
06.15 Interesante musical cu discunan Lat. Am.  
06.30 Musica para la Cena  
07.00 Musica International  
07.15 Musica Europeo  
07.45 Nieuws in het Nederlands  
08.00 Musica Norte Americana  
08.15 Nieuws in het Nederlands  
08.45 Musica Varia  
09.00 Philips Music Box  
09.30 Musica Varia  
10.00 Sluiting.

## RADIO CARACAS TELEVISION

Dialuna 29 april 1963

8.45 Senderos de luz  
9.00 Caja con sorpresas  
9.30 Jardin de infancia  
10.00 Indes por T.V.  
10.30 Programa de Cecilia Martinez  
11.00 Supremacero del aire  
11.15 Quiero es quien en T.V.  
11.45 Novela  
12.00 Show de Saume  
12.30 Búsqueda por marea  
12.50 Novela  
13.00 Novela  
13.05 Revolver a la rodén  
13.30 Novela  
13.50 Telenovela  
14.00 Un moderno Don Juan  
14.30 El observador  
15.00 Novela  
15.30 Novela  
15.35 Cine para todos.  
16.00 Boris Karloff  
16.30 M-Squad  
16.50 Indes Roehela  
17.00 M-Squad  
17.30 Boris Karloff  
22.30 Novela  
22.35 Cine para todos.

diasabra. Mi kier pa ho invita un di bo amigonan pa hai cine diasabra anochi. Bo por percura pa esey?"

"Tambe mi kier pa ho come na cas y mi kier pa ho bisa ho tata na unda ho ta bai. Percura pa ho histi algu cu ta bisa atencion y cu ho ta worde reconee. Invita ho amiga pa 8'or, pero ho no ta bai topa cu n'e. Bo ta bai na e refectory cu ta situa na skina dje caja cu ta bai pa vlieg-veld. Bo sa ta na unda no?"

E mucha muher ta confirma cu si.

"Bo ta parkeer ho auto y ta hai paden pa tumá un refresco. N'e oranan ey semper tin hopi hende den e cantina, pero ningun di ho amigonan lo t'ey den'."

"Esey ta sigur, no ta e tipo di lugar cu ami y mi amigonan ta hishita".

"Loke mi ta calcula. Pero mi kier pa ho worde nota. Laga ho glas cu kibira of haci cuikier otro cos pa hala atencion. Despues di 5 minuit ho ta bolbe sail. Tene cuidado. Mi tin mi auto na skina dje parkeerplaats, pero zorg pa ningun hende weita ho drenta mi auto. Den mi auto lo mi tin otro pa ho y tambe un cabai falso color cora. Bo ta cambia panja y ta histi e cabai falso."

Despues nos ta hai vlieg-veld. Mi ta compra un pasashi pa ho pa Los Angeles, aja mi tin un cuarto pa ho den un hotel cu mi sa hishita ora cu mi tin di bai alo pa corant e temponan aya. Bo ta keda te ora cu ho ricibi mi jamada pa telefon, cu tur cos ta cla cu ho por bolbe cas. Na vlieg-veld mi ta bin buscabu y dje ho ta cohe ho auto y bin spera na e casita aki of hai cas, segun ta conveni nos den ultimo ora.

Ora mi a caba di haci mi predikashon largo, mi a puestre si e la comprende tur cos. Tur loke e ta contesta ta: "Oh, Rina, esta un joncumaj ineligente e interesante... Mario... Mi por jama bo Mario..."

Mi ta cende un cigarra fresco, y ta bisele pa e sinja e lesnan hon y percura pa obedeele na nada bai fout. Di otro manera ami ta di prome cu lo hai tras di trali, y lo mi percura pa Rina y e mes tambe hanja e mesun destino.

"Bo por ta 'ki majan anochi pa 9'or, pa nos por ripiti tur e cosnan aki 'brobe'?"

"Esey no ta necesario", Rina ta bisa. "Cuanto biah mi tin di bisaho cu no tin peliger! Pero mi ta insistí, of nos ta lubida e plan. Asina nos a keda en Yvette lo bolbe siguiente anochi..."

(E ta sigui)

## UCHI ROBEZ presento po cortesia di: PIET'S SODA FOUNTAIN

tel. 2123

★ e mehor adres pa snacks, tur close di dushi, softdrinks,

ice-cream y revistas



## RIP KIRBY po cortesia di: JAN BODEGOM & CO (Aruba) N.V.

TEL. 1284 — 1402

agente exclusivo di FRIESCHE VLAG lechi evap orodo y lechi en polvo MAXWELL HOUSE KOFFIE

1. Bo ta mira algo?  
Riba e beach! No ta e boto cu nan a bai cune?  
2. Tira e anker, nos lo hai mira.  
3. Na na descubri nos, nos lo bende nos bida cara. Mas cu esey Despond! Di mi ni sikiera ta na bende.





# U.N.A.

## E

### PARTIDO

### CU TA

### CORDA

### riba

## FUTURO

## DI BO


## FAMILIA!

### PESEY VOTA PA

## U.N.A.

### A. F. DUSSENBROEK.

### LISTA 3 [CORRA] No. 6





## BO EMISORA FAVORITO





# U.N.A.


## TA SORPRESA DI E ELECCION AKI!

*tambe den e raad nobo*

*U.N.A. lo ta presente*



**VOTA  
LISTA 3  
[CORRA]  
No. 6**



\* MAS FUERTE CU NUNCA

\* YEN DI OPTIMISMO

\* YEN DI INTERES PA BO Y  
PA BO FAMILIA.

\* YEN DI CONFIANZA DEN FUTURO  
DI NOS „DUSHI ARUBA”

**PESEY VOTA PA U.N.A.**

**VOTA PA**

**A. F. DUSSENBROEK.**

**BO AMIGO FIEL!**



## MAX CROES A PAPIA PA ST. THERESITA C.U.

SAN NICOLAS, 29 april. — Si-papa senior Max Croes a tene eutopia pa e miembronan di Cre-Union St. Theresita na Sta. Ni-  
E anochi tabata dedica na com-  
mionnan ariba tereno di depor-  
seguridad durante euentonnan  
ritivo. Senior Croes, kende a pa-  
rionto un huesped bisitante di e  
hl. y a duca un lecutura ariba se-  
dad durante euentonnan de-  
vo. a splica cu di 260 acciden-  
cu ta pasa e emplenadon di  
pafor di trabao, 40 di esakinan  
uma lugar durante periodonan di  
acion y 30 durante euenton-  
deportivo. Segun e opasion di  
or Croes e cantidad aki lo por

baha cu 50 porciento, si algun di e  
reglamentonan general worde teni  
exactamente na cuenta durante e en-  
euentonnan. En general e deportista-  
nan, por ehemplo no mester existi  
mucho di nan curpa, y siguramente  
no haci esaki mas ora nan ta di edad  
avanza y e curpa no ta capaz mas pa  
duna e vitalidad y forza di un hobon.  
Tambe mester percura pa bon mate-  
rialnan di entrenamiento; durante e  
euentonnan cumpli cu e reglaman-  
tenan y respete e otro hungadornan.  
tambe prepara ho mes fisica y men-  
talmente bon promer cu ho tuma  
parti na deporte.

Durante e reunion aki a worde in-  
forma cu C.U. ta studiando e posi-  
bilidadnan pa haci un biabu pa Bo-  
naire of Corsow cu su miembronan  
na luna di agosto venidero.



## For Your Most Intimate Marriage Problem

Millions of women put their trust in Norforms... rely on Norforms for the surest protection in their most intimate marriage problem. Tested by doctors and proven in hospital clinics, only Norforms give such positive germicidal protection; with a highly perfected formula that releases antiseptic ingredients with long-lasting action. Body temperature melts Norforms to produce a powerful protective film that guards but cannot harm delicate tissues. Norforms' odorant protection eliminates

embarrassing odors... does not merely cover them up... and there's no "medicine" or "disinfectant" odor. Norforms are convenient... simply insert these feminine suppositories. No apparatus mixing or incuring. Greaseless and hermetically sealed, Norforms keep in any climate. Available in boxes of 6, 12, 24.


GRATIS— Informative folder about Norforms. Mail this coupon to ARUBA TRADING Co. Oranjestad

Please send me your new folder about Norforms. Use a plain envelope.

NAME .....

STREET .....

CITY .....



Put your trust in NORFORMS  
... Millions of women do.

## Don't Be SKINNY!

Amazing New Easy Way Can Quickly Put Pounds and Inches of Firm, Solid Flesh on Skinny Figures!

- No Cramming with Sugar Mixtures... No Fishy Oils...
- No Drugs... No Overeating... Hospital Tested

Are you skinny, thin and underweight? Well, don't be! Let new easy, safe Super Water-On add fast pounds and inches to your thin, underweight figure. Women, girls, men and boys have reported fast weight gains of 5 pounds... 10 pounds... 20 pounds... and even more.

This amazing new discovery, Super Water-On is the scientific medical formula that builds up skinny bodies... a lot of weight... without exercise... will...

STARTS BUILDING WEIGHT FIRST DAY There's no need for overeating... just eat sensible weight-maintaining meals and take new Super Water-On, either with or without milk. Then see your figure fill out fast. Cheeks fill out... neck and bustline gain... skinny arms and legs develop... flat hips and thighs take on new firm flesh... new curves. In fact, pounds and inches are added to your thin, underweight figure.

Super Water-On also improves the appetite, gives quick energy, guards against fatigue, sleeplessness, and low resistance when due to underweight.

SOLD ON MONEY BACK GUARANTEE First bottle of Super Water-On doesn't satisfy, return to store where purchased for money back.

Try Homogenized Tasting Water-On Emulsion... And Handy Foil Wrapped Easy-To-Take Water-On Tablets.

Nothing suits by Jer-Seo of Swaen.

Get new Super Water-On from your favorite pharmacy today...

FL. 8.80

FL. 6.60

FL. 6.60

DISTRIBUTORS:

Aruba: BEAUMEDICAL "3344" Telephone 3344

CURACAO COMMERCIAL CO. Telephone 24054

## Ocupacion di Urnanan di Votacion

ORANJESTAD, 29 april. — Durante eleccianan di awe 29 di april, e 31 urnanan di votacion na Aruba lo ser ocupa pa e siguiente personanan:

Urna di votacion distrito 1 (Don Bosco Club Noord)  
A. B. Kuiperi Jr. .... Emmanstraal 49 President  
M. E. Boel .... Ponton 46 A Miembro  
F. J. Ponsan .... Parkietenbos 32 B Miembro  
F. Kelly .... Palm Beach 32 Miembro int.  
A. Leest .... Sabana Liber 99 Miembro int.

Urna di votacion distrito 2 (Basniti Club Noord)  
M. S. Kuiperi .... Emmanstraal 51 President  
J. W. J. van Balkom .... Ponton 44 A Miembro  
G. B. Figaroa .... Sta. Cruz 35 Miembro  
J. F. Tromp .... Seroc Biento 46 Miembro int.  
F. A. Osorio .... Socotorolaan 14 Miembro int.

Urna di votacion distrito 3 (Cura di scol R.K. Melsjeschool Noord)  
J. A. Ruiz .... Costa Ricastraal 2 President  
E. G. Eman .... Palm Beach 49 Miembro  
M. J. C. Paaymads .... Koenockoe Abau 18 Miembro  
P. Kelly .... Middenweg 29 Miembro int.  
M. Tromp .... Noord 122 Miembro int.

Urna di votacion distrito 4 (Jeugdcentrum Tanki Leendert)  
H. E. Pereira .... Ponton 44 C President  
M. L. Kleisen .... Dr. Henriquezstraal 8 Miembro  
S. Luydens .... Tanki Leendert 188 Miembro  
E. Trimon .... Tanki Leendert 209 Miembro int.  
W. W. Chai .... Windstraal 23 Miembro int.

Urna di votacion distrito 5 (Clubgebouw Aruba Jrs.)  
E. J. Brion .... Colombiastraal 18 President  
A. G. Leo .... Prof. Lorentzstraal 9 Miembro  
E. J. Vos .... Weststraal 16 Miembro  
L. R. Giel .... Boegoeroel 4 Miembro int.  
S. H. Marsara .... Costa Ricastraal 8 Miembro int.

Urna di votacion distrito 6 (Gymn. lokaal St. Dom. College)  
A. J. M. Poppe .... Stadionweg 16 President  
M. Vingal .... Emanstraal 102 Miembro  
C. C. Wever .... Koningstraal 14 Miembro  
H. E. Gonzalez .... Kamerl. Onnesstraal 40 Miembro int.  
M. T. Palm .... Patastraal 5 Miembro int.

Urna di votacion distrito 7 (Kleuterschool de La Sallestr. Oranjestad)  
K. J. van Meeren .... Boerhavestraal 45 President  
Th. Hese .... Dominieanensstr. 24 Miembro  
A. F. M. Spit .... Pascallstraal 12 Miembro  
S. A. Henriquez .... Beaufortstraal 15 Miembro int.  
V. J. Boekhoudt .... Seroc Pretoe 3 (Par) Miembro int.

Urna di votacion distrito 8 (Gymn. lokaal Maria College Oranjestad)  
J. A. Hille .... Ecuatorstraal 7 President  
J. E. de Lannoy .... Maria Christinastr. 20 Miembro  
U. Amaya .... Colombiastraal 8 Miembro  
S. E. Ledrigo .... Tarabana 14 Miembro int.  
K. V. Jacobs .... Antiguaweg 4 Miembro int.

Urna di votacion distrito 9 (Gymn. lokaal Julianaschool O'stad)  
C. A. G. Profet .... Venezuelastraal 20 President  
E. E. la Nooy .... Maria Christinastr. 18 Miembro  
E. L. Tuijehut .... Boerhavestraal 34 Miembro  
S. Fingal .... Boerhavestraal 54 Miembro int.  
N. Granadillo .... v. Walbeekstraal 8 Miembro int.

Urna di votacion distrito 10 (Prot. Chr. School Oranjestad)  
S. D. Bruin .... Nassaustraal 16 President  
C. C. L. de Windt .... Tarabana 54 E Miembro  
A. W. Raven .... Irenestraal 3 Miembro  
A. Tie A. Loi .... Kenepastral 4 Miembro int.  
S. M. Vrolijk .... de Witsstraat 10 A Miembro int.

Urna di votacion distrito 11 (Plus X School Dakota)  
J. Eikelenboom .... Beatrixstraal 27 President  
M. E. Ponsan .... Roen genstraal 8 Miembro  
H. Patist .... Rondweg 21 Miembro  
J. G. Croes .... Oldenbarneveldstr. 6 Miembro int.  
J. Webb .... Dadelstraal 11 Miembro int.

Urna di votacion distrito 12 (Club Caribe Oranjestad)  
E. G. Oehlers .... Herman Gortierstraal 1 President  
A. A. Harms .... Panamastraal 6 Miembro  
L. J. Bratting .... Daltonstraal 8 Miembro  
A. Arends .... Wilhelminastraal 11 Miembro int.  
J. C. A. M. Bezems .... Koenockoe Abau 16 Miembro int.

Urna di votacion distrito 13 (Jeugdcentrum Piedra Plat)  
W. van 't Sant .... Tanki Flip 50 President  
J. M. Lasten .... Margrietstraal 2 Miembro  
E. Oduher .... Boerhavestraal 38 Miembro  
E. Fingal .... Tanki Leendert 196 Miembro int.  
G. F. Ranis .... Sabana Verde 5 Miembro int.

Urna di votacion distrito 14 (R.K. Clubgebouw Paradera)  
O. J. Boekhoudt .... Fergusonsstraal 40 President  
C. A. M. de Jong .... C. Huygenstraal 13 Miembro  
J. R. Frank .... Pitastraal 32 Miembro  
W. L. Esser .... Pavilla 32 Miembro int.  
A. J. Arendsz .... Boerhavestraal 18 Miembro int.

Urna di votacion distrito 15 (R.K. Club Santa Cruz)  
H. Posner .... Bilderdijkstraal 15 President  
Th. G. Schwengle .... Savaneta 344 Miembro  
Tai Ken Lee .... Macuarima 170 Miembro  
F. A. Solagnier .... Hooiberg 50 Miembro int.  
E. Geerman .... Kaas Ariba 8 A Miembro int.

Urna di votacion distrito 16 (Santa Cruz Bar Sta. Cruz)  
J. O. Marugg .... Dominicanensstr. 16 President  
R. H. Richardson .... Savaneta 420 Miembro  
F. A. Garrido .... N.C.C. 26 Miembro  
M. L. Croes .... Santa Cruz 102 Miembro int.  
A. W. Brokke .... Windstraal 13 Miembro int.

Urna di votacion distrito 17 (Clubgebouw Trappers Sta. Cruz)  
F. Wernet .... Santa Martha 10 President  
M. Vries .... Torricellistraal 7 Miembro  
H. T. Quilote .... Emanstraal 24 Miembro  
R. Croes .... Casibari 18 Miembro int.  
J. de la C. Maduro .... Mahoema 19 Miembro int.

Urna di votacion distrito 18 (R.K. School Kadushi Largo Sta. Cruz)  
E. E. Goedhooft .... Arendstraal 16 President  
A. Thiel .... Santa Cruz 11 Miembro  
C. J. I. Nubeer .... Wilhelminastraal 122 Miembro  
S. A. Fradi-Vries .... Siribana 18 Miembro int.  
P. Martinus .... Mestera 19 Miembro int.

Urna di votacion distrito 19 (Commandeursbaai Club Savaneta)  
F. de Hoop .... Mestera 35 President  
A. Groder .... Crijneestreet 2 Miembro  
B. M. Yarzagaray .... Savaneta 223 A Miembro  
E. R. Arends .... Seroc Alejandro 29 A Miembro int.  
H. L. Winklaar .... Irenestraal 12 Miembro int.

Urna di votacion distrito 20 (R.K. Jongenschool Savaneta)  
J. H. Nunes .... Savaneta 528 President  
P. W. van Aerle .... Cura Cabai 56 Miembro  
S. P. de Kort .... Savaneta 186 A Miembro  
P. de Cuba .... Brasil 168 B Miembro int.  
J. R. Martis .... Schelops raal 10 Miembro int.

Urna di votacion distrito 21 (Militair Tehuis Savaneta)  
G. E. Wong A Soy .... Savaneta 322 President  
G. V. Simon .... Oldenbarneveldstr. 8 Miembro  
J. M. Hunt .... Savaneta 109 C Miembro  
J. W. O. Wernel .... Santa Cruz 71 Miembro int.  
L. F. S. Leonardo .... Irenestraal 6 Miembro int.

Urna di votacion distrito 22 (Speelplaats R.K. Melsjeschool Brasil)  
J. M. Lacle .... Paradera 170 President  
N. V. Larmonie .... Savaneta 204 A Miembro  
F. L. Solognier .... N.C.C. 17 Miembro

A. M. Croes .... W.R.C. 10 C Miembro int.  
E. E. Colli .... Lago Heights 819 Miembro int.

Urna di votacion distrito 23 (Club Bonaire St. Nicolas)  
J. M. H. Boezen .... P. Hendriksstraal 49 President  
I. C. Martis .... Wageningenstraal 71 Miembro  
E. I. De Kort .... Savaneta 228 Miembro  
T. Tromp .... Brasil 180 Miembro int.  
J. A. Adamus .... Bellisimastraal 5 Miembro int.

Urna di votacion distrito 24 (Club Suriname St. Nicolas)  
A. N. de Man .... Bernardstraal 248 President  
L. A. Lejuez .... Bellisimastraal 8 Miembro  
J. A. Rodriguez .... P. Hendriksstraal 38 Miembro  
A. Th. Croes .... Pos Chiquito 76 Miembro int.  
M. H. Pourier .... Bernardstraal 296 Miembro int.

Urna di votacion distrito 25 (Don Bosco Club St. Nicolas)  
D. J. Helmiuk .... P. Hendriksstraal 36 A President  
D. G. N. P. de Palm .... Bernardstraal 75 B Miembro  
N. E. Thijssen .... Savaneta 5 A Miembro  
P. Geerman .... Weg Seroc Blancoe 5 Miembro int.  
J. Maduro .... Sabana Blanco 17 Miembro int.

Urna di votacion distrito 26 (Marijkeshool St. Nicolas)  
J. H. L. M. de Wit .... Simon Plaisstraal 13 President  
G. J. Croes .... Watapana Gezaag 15 Miembro  
M. A. Bislik .... Lago Heights 747 Miembro  
L. G. Frans .... Koningstraal 55 Miembro int.  
N. H. Muller .... A. van Solmsstraal 10 Miembro int.

Urna di votacion distrito 27 (Kleuterschool Rayo di Solo St. Nicolas)  
G. P. Snee .... Meas. Nieuwindstr. 10 President  
J. D. Fingal .... Emanstraal 28 Miembro  
D. I. Leo .... Seroc Patrischi 44 Miembro  
F. B. Strijdhafte .... Savaneta 69 Miembro int.  
O. P. Fradi .... Siribana 18 Miembro int.

Urna di votacion distrito 28 (Benilde School St. Nicolas)  
H. Th. Lopez .... Rondweg 31 President  
E. Arends .... Savaneta 86 Miembro  
J. A. Nuboor .... Wilhelminastraal 122 Miembro  
J. F. J. van Steen .... Rudolf Arendsstraal 15 Miembro int.  
J. L. Hart .... Maria Christina str. 10 Miembro int.

Urna di votacion distrito 29 (A. de Veerschool St. Nicolas)  
R. Smit .... C.C. 22 President  
F. H. Ruffeld .... Bernardstraal 147 Miembro  
A. M. Every .... I. Wagemakerstraal 74 Miembro  
C. Hassell .... Bernardstraal 67 A Miembro int.  
J. N. Arends .... Savaneta 299 Miembro int.

Urna di votacion distrito 30 (Prinses Ireneschool St. Nicolas)  
B. Vos .... Savaneta 351 D President  
E. de Hase .... Venezuelastraal 10 Miembro  
P. B. A. Sloterdijk .... P. Hendriksstraal 91 Miembro  
H. Geerman .... Lago Heights 931 Miembro int.  
E. A. L. Hassell .... Essoville 2 Miembro int.

Urna di votacion distrito 31 (Lago Heights Club St. Nicolas)  
G. A. Krist .... Tarabana 2 President  
J. N. Maduro .... Kaas di Palema 31 Miembro  
C. B. Bislik .... Lago Heights 929 Miembro  
J. W. Larmonie .... Hildebrandstraal 8 Miembro int.  
V. M. Rib .... Papijon 40 Miembro int.

## Korthals y Zijlstra pa Antillas en relacion cu plan di 10 anja

ORANJESTAD, 29 april. — E minister Antillana di asuntunan social y economico, senior C.D. Kroon, a bisa na su salida pa Willemstad, cu e ta contentu tocante e transcurso di su deliberacionnan cu minister-nan Korthals, Luns y Zijlstra. Nan a palabara cu nan la cantinua e deliberacion aki durante otro luna na Willemstad.

Sr. C.D. Kroon, a declara: "A yega na un acuerdo tocante e procedimiento pa completa e prome fase di e plan di 10 anja, cono tambe en conexion cu e deliberacionnan tocante e Compania di Aviacion Antiyaco."

E deliberacionnan aki lo tuma lugar den luna di mei na Willemstad, pa cual ocasion Minister-nan Korthals y Zijlstra lo bin Antillas.

Un y o ro ta encera cu denter di algun siman lo pone e ultimo toorn na e areolo financiero na e prome fase menciona.

Aki mester haci observacion cu e prome fase di e plan di 10 anja pa Aruba ta pa e periodo di 1962 te 1966.

Ademas di e proyectonan di urgencia cu ya caba ta den ehecuion, e prome fase aki ta encera e.o. e siguiente proyectonan importante:

- 1—Construccion di un hospital nobo.
- 2—Construccion di un fabrica di ari-do fosforico.
- 3—Construccion di Hotel nobo.
- 4—Ampliacion di Aruba Caribbean Hotel cu 80 kambar mas.
- 5—Extension di e Planta di awa.
- 6—Exploatacion di e miñanan di fosfaat.

## Hinderverordening Aruba

De Gezaghebber van het eilandgebied Aruba maakt bekend dat door C. Solo en D.A. Dirksz ingediende verzoekschriften met bijlagen beide strekkende tot het verkrijgen van vergunningen tot het mogen oprichten, in werking brengen en in werking houden van garages, respectievelijk te Piedra Plat 46 en Brazil 114 A, gedurende dertig dagen vanaf heden op het Bestuurskantoor, Afdeling Algemene Zaken, ter inzage liggen en dat gedurende deze termijn een ieder mondeling of schriftelijk zijn bezwaren tegen bedoelde verzoeken kendaar kan maken.



## Jong San Nicolas y celebracion di cumpleaños di La Reina

(Fuera di responsabilidad di redaccion)  
Na ocasion Cumpleaño di Su Mahestad La Reina Juliana e anja aki atrobe Sportclub Jong San Nicolas lo tene, ariba su terreno situa na Weg Fontein, es celebracion pa Aruba en general y comunidad San Nicolas en particular. Esaki lo ta di tres celebracion consecutivo sin ajudo for di ningun comision particular cu por tawata den posicion di a haci tal. Pa e anja aki toch a reina un posibilidad inmensamente desea di por a ricibi un asistencia di Oranje Comité, despues cu e secretario mes a priminti, contal e peticion hai aden banda di luna di Februari. Pa mas seguridad nos a dirigi nos peticion hopi mas prome. Pero desafortunadamente a resulta telefonicamente, un miembro di Oranje Comité a participa no por juda nos sportclub cu nada, y ademas esaki tawata hopi laat mes pa nos a tuma otro recurso. Ultimamente nos a bin hanja ajudo completo di algun personanan particular cu tur facilidadnan necesario pa un exito cu e esfuerso grandi di Sportclub Jong San Nicolas pa su simpadiadonan.

Sportclub Jong San Nicolas ta situa na Weg Fontein y despues di a wordu organisa na anja 1958 cu un team futbol, actualmente ta mantenendo ademas un softball masculino y femenino, ciclismo, y recreacion general. Entre otro a worde teni riba tereno di J.S.N. varios K.O. y competie futbol, en euentonnan futbolistico entre teunman di A-klasse, un euentonno amistoso cu e team Bonaireano Flamingo, y actualmente ta andando un softball K.O. masculino y un softball competie femenino.

Ta dese di Directiva di Jong San Nicolas di sigi progresu tambe, cual ta depende hopi di respaldo pa banda di su miembronan, simpadiadonan, y pueblo di Aruba en general.

Diamars awor, April 30, 1963, Jong San Nicolas tin organisa e cumpleaño formal pa e celebracion di cumpleaños di Su Mahestad La Reina Juliana. Lo tin tur sorto di euentonan pa tur edad, ambos masculino y femenino, cuminsando for di 10 'or di mainta te 6'or di atardi.

Tin premionan disponibel pa un y tur y ademas refresco, cerbez etc. pa completa satisfaccion di e pueblo presente. Un invitacion ta bai pa henter e pueblo di Aruba, bin celebra hunto e cumpleaños di Su Mahestad La Reina riba tereno di Sportclub Jong San Nicolas, diamars awor, April 30, 1963.

E Directiva.

## NOTA DI REDACTOR

Pa motibo di falta di suficiente placa, "Oranje Vereniging" unicamente por duna yudanza financiero pa fiansamenton di dia di anja di La Reina cu algun atraccion na tur e schoolnan y bondnan reconoci. Algun tempo pasa nan a bisa e directiva di Sportclub Jong San Nicolas, cu kizas nan lo hanja mi yudanza, si "Oranje Vereniging" resta placa e anja aki. Esaki no a socode, mientras cu e directiva a dicidi ultimamente pa e anja aki tampono, cambio di e desicion pa no duna yudanza na otro organisacionnan, sino solamente na schoolnan y bondnan di sport. Pa motibo di e amentacion enorme di e cantidad di miñanan cu ta asisti na e schoolnan di Enseñanza Menor, ta basta dificil caba pa "Oranje Vereniging" logra duna yudanza financiero na nan manera mester ta. Y segun declaracion di e directiva di e organizacion aki, e peticion di Jong San Nicolas a worde ricibi dia 11 di maart. En todo caso, e esfuerso cu e directiva di e club aki ta haci tur anja pa fiesta e dia di anja di La Reina ta worde aprecia masha.

mando un significacion nobo. Tur miembro mester di studia es proberbio aki y aplice na nos situacion actual. Laga nos uni y bringa pa nos derecho, asina e articulo aki ta termina.

Manera ta conoci un anja y mei pasa, tabatin eleccion pa bond di "rahadonan" na unda e emplenadon di Lago mester a eligi entre P.W.F.A. y I.O.W.U.A., cual bond ta for di e antieramente Lago Employee Council (LEC), durante e periodo ey P.W.F.A. a worde critica como un bond di "rahadonan" danjoso na Aruba, pa motibo cu e bond aki tabata tene concecionnan cu bondnan di "rahadonan" internacional, cual absolutamente no tabata na azardo di Lago. Como cu I.O.W.U.A. no tabata e elasanen di relacionnan ey durante e eleccionnan semper a sigura di kier ta un bond Arubano ariba naq mes, sin ningun clase di relacion cu bondnan internacional, e bond aki a hria mas yudanza moralmente for di Lago cu for di otro-nan, loke a resulta na agosto 1961 den un victoria masha chiqui-o.




**POLITIEK?**

**„Sorry”!**

**„DI ESEY MI NO SA  
NADA AINDA!”**

**Sinembargo ta jega e dia  
inevitable, cu e lo ta na  
altura di politiek:**

**LO E TA GRADICIDO NA SU MAJOORNAN  
PA LOKE NAN A HACI DI ARUBA?**



**ESEY TA DEPENDENDE NA BO!**

**A WOR TA E MOMENTO PA PROTEHA BO INTERES,  
DI BO FAMILIA Y BO ARUBA.**



**PESEY VOTA PA**

**U. N. A.**

**LISTA 3 [CORRA] No. 6**

**A. F. DUSSENBROEK:**